

Wie sich die Weiber/ für/ inn/ vnd  
Ja das Blut Christi thuts mit welchem  
das Wasser in der Tauffe vereinigt ist/  
wie Johannes der Euangelist vnd Apo-  
stel die Tauffe beschreibet. Daher saget  
auch recht Ambrosius. Quid est Aqua si-  
ne cruce Christi? Elementum commune  
sine vlllo Sacramenti effectu. Was ist das  
Wasser in der Tauffe ohne das Creutz  
Christi/das ist/ one sein Blut vnd Tod?  
Nichts anders denn ein gemein Ele-  
ment ohne allen nutz vnd Wirkung des  
Sacraments.

Darumb sollen wir auch diß Sacra-  
ment der Tauffe hoch achten/ vnd das  
für den Schatz vnser seligkeit erkennen/  
denn ja diß das mittel ist/ dardurch vns  
Gott im Himmel zu gnaden auff vnd  
an nimpt/ vnd vns zu seinen Kindern  
vnd Erben macht/ auß der vrsachen sol-  
len auch die Eltern ihre Kinderlein/ die  
inen Gott frölichen gegeben/ zur Tauff  
bringen/ vnd das nicht verlassen/ daß sie  
des